

ALL NATIONS GOSPEL PUBLISHERS



www.anjp-hb.co.za



info@anjp.co.za

MURIMA WA MUTHU

APALHE

NIGALASI NAWOONELHA MURIMA VA DHA MAVEKELHO

(Ephwanihero dhijambuliwe thi Khumi)

Bukhulha aambihewe oFrance muyakha wa 1732, nave ahuul-hulhiwa alembiwa wiilhi wihina aphareke mutheko mu elhapo dha mu Africa ni muthu a Mulhuku J.R. Gschwend mu 1929, nave alembiwatho mu elhotelho 250 ni a All Nations Gospel Publishers ayo erina okawa ophiyera olhelho mu elhapo 127. Athu a elhotelho dhithedhene, a malhoko, ni oovekelha erina oholhelhiwa ni bukhulha odhuwelha eparipari ni opalheya wa mutchaka wa Mulhuku wa muthu we m'mo alhotelhe muthu a Mulhuku Ezekieli miyakha 586 Kristu ahinawe, "Kinorow-imnyani murima musha ni mupuwelho ananweene ... nave munorokhalha athu aka, nave kinorokhalha Mulhuku anyu!" Ezekieli 36:26-28.

COPYRIGHT

ISBN 978 - 1 - 920322 - 57 - 1

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(A Gospel Literature Mission financed by donations)
(Reg. No. 1861/001798/08)

MURIMA WA MUTHU

EMPA YA MULHUKU APALHE MOPHARELHAMO

MUTHEKO SATANA

(1 Yohane 3:4-10)

Munamwelenganyu bukhulha, upuwelhani wihina ari wenango nigliasi m'mo munadhonenyu wekhiinyu. Apalhe muri a othe apalhe oovekelha, apalhe yooyo ahinaroromelha mwa Kristu apalhe oohokolwelha mutulhi, munorodhona wekhiinyu we m'mo anawonelhani Mulhuku. "Muthu anoona othe, miyaano kinoona m'murimani." (1 Samueli 16:7). Mulhuku anoona mwem'mo nikhalhelhehu.

Satana ari athithimnya a dhawootha dhithedhene. Thi mwene a epiphi ni mulhuku a elhapo elha, yooyo aniphwaniphwanihera wenango mungelo a eparipari wahoolhelha alhopwana ni athiyana ethilha Yonanara. M'mahikuni yaalha, wenango mutulhim'mo, wuri amurum'mwa awootha amchichi, yaayo eniphwaniphwanihera wenango amurum'mwa a Kristu. Nave kheyiivo yothikiniha, kambeene Satana aniphwaniphwanihera wenango mungelo a eparipari (2 Akorinto 11:13,14). Satana, mulhuku a elhapo elha, ohavitha athu mu epiphini wihina ehinoonaka wihina Mulhuku amnadhivelhiwana apalhe wihina Yesu aakhwa wavulhusa (2 Akorinto 4:4). Athu amarapwa atheene ni yaayo ehinamuroromelha eri ookhwa vamiithoni vaye ni ohoona va dha Mulhuku. Enaholhelhiwa ni oonanaroyo a elhapo elha (Aefeso 2:1-2). Yaahihulheya miiitho wihina edhuwelhe otathiya wiwa, enoroya yalhakiwe. Muthu yooyo anihina, "Nginapahulheke" anilheka yekhaye. Kambeene "mwaana a Mulhuku awwelhe yeelha, opwaramwasa yeeyo ayeemre satana." (1 Yohane 3:8). "Vano, ivelhelheni wa Mulhuku. Mukhooteni Satana, nave anorowuhiyani. Waani wa Mulhuku, nave anorowa wanyuwaano." (Yakobo 4:7,8).

Munelenganyu muhudheraka ephwanihero m'bukhulha, munoroona m'mo okhalhelhe murimaanyu. Muhinakhoota omolhelha wa Mulhuku owonihani m'mo okhalhelhe murimaanyu. Akhulhelhani marapwa anyu nave muhinakhoota wihina akhal-

havo, vawi madhu a Mulhuku enanilhelha wiina “nehina khinimna mrapwa, mnilheka wekhiihu, nave mwahiyaano eparipari kheyiimo. Nave nakhulhelha marapwa ahu wa Mulhuku, anorowuupuwelha mlhakano naye ni oneerelha yaphaama: Anoronikhurumuwelha marapwa ahu ni oneelhiha dhonanara dhahu dhithedhene.” (1 Yohane 1:1-10). “Nikhame na Yesu, mwanaye, nimnaneelhiha hiyaano o nirive mrapwa”.

Munaholhelhiwa ni Satana apalhe Mulhuku; muri kaporo a mrapwa apalhe a Mulhuku. Narimi mrapwa niholhelhaka okumaanyu, muhinakhoota, mdho mndelhani wa Mulhuku. Anorowuthaphulhani oweelha mwa Yesu Kristu yooyo awiilhe va elhapo elha ovulhusa a marapwa, opwesa machiri a satana ni mrapwa va hiyaano. Thi mvulhusa ahu. Muri vamiithoni va Mulhuku aweelha yooyo anadhuwelha dhawipitheya dhithedhene, mpuwelho awipitheya ni dhaweera dha okumaawo. Thidhohiworeya wihina wipithe ni mitheko dhawo vamiithoni va Mulhuku, kambeene “Mulhuku sika apotokosilhe maaru ahu — nave khani iiwe? Aapotokosa miitho ahu — nave khani oone?” (Masalimo 94:9).

“Apwiya emnoona dhithedhene dha va elhapo ya vathi, owimnya ekopholho yaayo mirima dhiwa dhiri va olhiyeni.” (2 Mbiri 16:9).

“Emnoona meetelho a athu atheene. Kheyiivo epiphi yeeyo muthu aneraye ipithevo wihina Mulhuku ahimoone.” (Yobu 34:21,22).

“Nave Yesu khawaroromelhe alhiwani, kambeene ahaadhuwelha atheene.” (Yohane 2:24).

Dhiidho “oothuwa eri yaayo marapwiiwa ekhurumuwelhiwe, dhonanara dhiwa dhitiwalhiwe. Oothuwa ari yooyo Mulhuku ahinamwelengela marapwa aye ni yooyo athaphulhiwe woolhekiwa waye.” (Masalimo 32:1-2).

OTHOPOOLHA WA EPHWANIHERO

EPHWANIHERO YAWAAMBA

Ephwanihero elha enooniha murima wa muthu a marapwa, mulhopwana apalhe muthiyana, oyo adhivelhiwe ni dha vathiva, oyo athopoolhiwe m'Baibuloni, sika wihina, anaholhelhiwa ni oonanara a elhapo elha ni dhopaalha dhaye. Ephwanihero elha enooniha murima we m'mo Mulhuku anawonelhaye. Miitho oofila enalhokoha wihina amnawiryia otheka we m'mo elhotelhiwa m'bukhu a Miyambo 23:29-33: "Thani ari ni etakarakha? Thani anahoowa? Thani ari ni dhowana? Thiyooyo anaselhiwa vaavo viri otheka, anaya aashaka otheka. Ohinaweha otheka vaavo oriwa wofila. Orina osherima m'mukambani. Owiryeysaka mookhweya. Vomalhihelha onalhuma we enowa, olhumaka we namarawe. Miitho awo enorwoona dha elheto, murimaawo onolhota dhokhoromana".

Mu ephwanihero elha, m'murimani mwa muthulha munooneya enama dhohiyahiyana mdho dhimlhokoha dha marapwa ohiyanahiyana a m'murimani mwa muthu, kambeene murima thi nipuro m'no munavenyera marapwa ohiyanahiyana. Mulhuku ananilhelha hiyaano oweelha mwa Yeremiya, wihina, "murima wa muthu sika wolheka, ni wohipotokoseya, thani ani awore owudhuwelha?" (Yeremiya 17:9).

Yesu aalhotesesa dhemdha mwanenaye wihina, "Vawi muwari mwa mirima dha athu, mumkhuma mpuwelho oonanara, oraruwa, dhawiya, dhawiphana, dhokonana, nrima, dhonanara, olheka, yonganariha, niitho nonanara, epewe, witukhulha, ombwambwaana: dhonanara dhithedhenemdha dhimkhuma muwari dhimunanarihaka muthu." (Mariko 7:21-23).

1. ENTHIWATIWA. — Vawi oreera wa enthiwatiwa wunamu-dhivelha arive muthu, mva m'murimani mwa muthulha, enalhota dha mrapwa nookota. Lusifala, aari mungelo a eparipari a Mulhuku, mwaha wookotaaatathilha ekari yeelha mdho iitana ni Mulhuku — mudiyerekezi (Yesaya 14:9-17; Ezekiel 28:12-17).



1. MURIMA WA MUTHU AMARAPWA

Okota omvenyera ogehenani, navetho ori mu ethilha dhimchichi. Athu akina enakota kaamba ya eyuma dhiwa, ohudhera wiwa wa vadhlhu; dhowara dhiwa dhaphaama mdho dhinooniha miilhi dhiwa mwawiwiha etakarakha; owara dhawidhivihera, ebangili, endolo, ni dhikina, we athopoolhelhe Yesaya 3:16-24. Akina enakotelha makhohlwiwa Yakhwilhe, elhapwiwa, mukhalhelhwia, ni dhikina, otivalha wihina "Mulhuku anaakhotiha awitukhulha, nave amdhivelhiwa ni awiyeviha." (1 Peturo 5:5). Mulhuku aniihana ni okota ni wihelhelhamo (Miyambo 8:13). "Okota omholhelha olhakiwa; murima wawitukhulha omholhelha okwakwatuwa." (Miyambo 16:18).

2. MWANAPWA. — Animelhelha dhopaalha dha mwiilhi, orarawa, okonana. Marapwa eromolhiwe mvalha ahenjerereya mahiku yaalha, navetho mahiku oomalhiha, dhophiya vaava, dhiidho thuwakhulhelha madhu a Yesu aariye, vakhuviru miyakha ezikwi Piilhi dhiviralhemdho, wihina mahiku oomalhihelha enawa ephwanaphwana ni mahiku a Sodomu ni Gomora. Ohikhalha wi mwerelho wonanarolha orimoona waphara athu alha shisha vophiyani m'mamilhakoni mwa athu oovekelha ni mapuro ohiyanahiyana, mohudherelhamo ni moochelha, mwerelho wonanarolha orina waavolhowathi oweelha vomonelhani kanema, matheelha, welenga dholhava, ni ethilha dhikina dhimchichi, dhiri mwawi yeeyo Mulhuku anayeeraye yonanara Sika emkusiwa we yaphaama. Azombwe ni asinamwalhi amchichi enaphwanyeya ni merelho oonanara kambeene ya akanema ni dhawelenga dholhavamda, sika enaphwanyeya eri m'mavihoni, mdho enaamba wikhupanyera. Eneera dhem-dhalha enooneya we a vadhlhu wa asanamwani. Mapuro awinelhamo, nalhiwani thi wemko wumvenyera dhonanaram-dha. Athu aweelha a Mulhuku, we Yosefe (Geneses 39) ni akina, khenakusiwa we ephwanihero. Naari athu a othe a mlhoko na Ezulu, ayo yawiphesa athu ooraruwa, alhathi yerowahudhiha athu ahu ayo enihina thi ootukhuwa navetho enoronitheya mlhapo nomalhiha vamiithoni va Mulhuku. Mulhuku amnanilhelha wihina nihineraka marapwa niwihiinatho nikhalhe witeete ni alhiwani. "Nirive mrapwa muthu aneera nimkhalha othe wa mwiilhi; nave ooraruwa anapahulha mwihi waye wayekha. Apalhe khimunadhuwelha wihina mwiilhi ori

empa ya munepa waweeleha, yooyo ori mwanyuwaano yooyo murinyuna wa Mulhuku? Nave khimuri vawekhiinyu.” (1 Akorinto 6:18,19). “Mukina aapahulhaka empa ya Mulhuku, yooyo Mulhuku anoromulhaka; vawi empa ya Mulhuku eri yothoolheya, yooyo thi nyuwaano.” (1 Akorinto 3:17).

3. EKUMBA. — Enalhota dha marapwa oowirya otheka ni oothuthuwa. Thi enama ya othawa enacha erive elho enaphwanyiwa yawetaka, yaphaama apalhe yonanara, enaphwanphwana ni amarapwa oyo anakhwelha meera erive elho eyo enaawe m'muruni mwaye, enawupuwelhaye, woona, apalhe welenga, ni dhikina. Mwiilhi, oyo wapotokosiwe wihina okhalhe empa ya Mulhuku, orina onanarihiwa ni yoocha yonanara ni merelho oonanara we omucha apalhe omumbelha soolha, ophariha mutheko murete wonanara ni mirete dhawaphelhiha muru ni mirete dhikina. Mukhalhelho womucha soolha naari murete wawaphelhiha muru sika dhinereya ni athu amchichi ohiyana ni khalhe. Thi ekopholho dha Mulhukuve dhinawore wuvulhusani omukhalhelho womucha soolha ni wukumihani mukariposo a mudiyerekezi. Navetho athu akina eniwa kheni yamumbelhe soolha muchalichini, eniwa woova opahulha wa Mulhuku, khemnanawo dhawimamuhiya, ohidhuwelha wihina miilhi dhiwa sika empa ya Mulhuku. “Navetho mumnadhwelha” aaridhiidho murum’mwa Paulo, “wihina muri empa ya Mullhuku niwihiina munepa wa Mulhuku onakhalha mwanyuwaano.” (1 Akorinto 3:16,17; 6:18,19).

Muthu a nrima thi oohipalheya apalhe awiteya vamiithoni va Mulhuku. Mnacha wihina nikhalhe ni okumi; khimnakhalha ni okumi wihina nicheke. Ethalha thumalha ni yoocha yaphaama, nave nrima mnerekemimndelhave, “Kimnyeni, kimnyeni!”

Nrima khiniwa nimalha, khiniwa nikwanihiwa. Mu mlhakano na khalhe muthu oothuthuwa ni oowirya apwesiwa malhuku akhwa (Deuteronomo 21:18-21). “Vawi oowiryawirya ni oothuthuwa enoroohoowa; nave olesi onoromuwaraha muthu matapwata.” (Miayambo 23:21). Upuwelhani muthu a eyuuma, akhwilhe aphwanyeyilhe ari m'mavivhoni. Onanara wa owirya thiwodhuwanyeya. Dhimnadhuwanyeya wihina owirya

khewaphaama. Mulhuku arina onilhelha hiyaano mwawiweya oweelha m'madhu aye wihina kхиivo oowirya oyo anavolhowe omwene wa Mulhuku. Otheka khehiyon i yoocha, thi yoowirya eyo enaphelhiha muru, nave oowiryayo enakhalha wenango oombwambwaana. Thuwerelhana dhonanara naari wiphana-wene anayayove yeeyo Khiyaweriwa yahiwiryalheke. "Owirya otheka mumchichi wumnaweriha wi okhuweke ni weera dheko mombwambwaana. Thi dhombwambwaana owirya otheka." (Miyambo 20:1).

Yaayo enaphuka ni okulhiha otheka eri oopahulha vamii-thoni va Mulhuku, kambeene Mulhuku anihina, "oopahulha eri yaayo enawirya otheka, ni athu oolhipa ayo enathakanyihera dhoowirya dha ovalhi." (Yesaya 5:22). "Oopahulha ari yooyo anamwimnya mukhwaaye yoowirya, niwenjererawo murete, ni omwaphelhiha muru, wihina woone opwilhimwindhaye." (Habakuku 2:15). "Apalhe khimumdhuwelha wihina amarapwa khewa evolhowa omwene wa Mulhuku? Muhiholhosive; ooraruwa, apalhe aweera dhonanara, apalhe awinanariha ni alhopwana, apalhe oovekelha maphwanihero, apalhe ookonana. Apalhe alhipawiya, apalhe oodhivelhiwa ni dha aneena, apalhe oowirya, apalhe awiintawa, apalhe awaakha, khewa evolhowa omwene wa Mulhuku." (1 Akorinto 6:9-10).

Marapwa ooyariwana thi ohiitheya. Akina mwa alhiwani thi alha: "oraruwa, dhonanara ni dhaweera dhonanara, ovekelha maphwanihero ni okhwiri. Athu erina wiitana ni owana; em-nerelhana ehache, olhutuwelhana ni okotisherana dheko. Erina omwareyana m'milhokoni dhoohiyahiyana; werelhana nrima, owirya oromana, ni werelhana dhimchichi wenango dhemdha. Yaayo eneera dheko dhemdha khewa evolhowa omwene wa Mulhuku." (Agalatiya 5:19-21). "Nave muhinalezelana otheka, mwem'mo muri otathiya; nave mudhalhiwena munepa." (Aefeso 5:18).

Yesu arina wiithana yaayo eri ni mthona va dha omwene wa Mulhuku. "Nave mlhapo nomalhihelha na machelhelho, Yesu ahimelhelha akhuwaka, ihina, varimi viri muthu ari ni mthona, awe wa miyaano, awirye. Oyo oooromelha miyaano,

we m'mo dhalhotelhe dholemba, mihi je dha maadhi a okumi dhinoroweeeta, okhuma ovenyera muwari mwaye." (Yohane 7:37,38). "Atheene nyu muri ni mthona, waani omadhini; ni oorama ekhorowa waani mukulhe muche; mdho waani, mukulhe yoowirya ni mukaka naari muhimna ekhorowa!" (Yesaya 55:1). "Nave olhiyeni oowirya maadhi yaayo kinamwimnyemi khawa akhalha ni mthona elhukulhuku dhithedhene; nave maadhi yaayo kinamwimnyemi enakhalhe mwa olhiyeni netuutu amaadhi ooya wukumini wohimalha." (Yohane 4:14).

4. KHAPA. Amlhota dha olesi, ohipaalha wiwelha ni okhwiri. Ohiroromelha thi wonanara wenango okhwiri (1 Samueli 15:23). "A olesi anorokhwa, kambeene matha aye khempaalha ophara mutheko. Akina enadhivelhiwa ni dha aneena movoreyiwa murima mlhapo nithenene; nave aweelha emnavaha ohilmana." (Miyambo 21:25-26). Yoswa aarina waalhelha Aizilaeli, "ngavennyani, nayeelhe; vawi nohoona elhapo, nave ngoonani, mdho thiayphaama; sika nyu munakhwelhami nonoro? Muhineraka olesi voyaniwoni ni okusa elhapo eyo." (Oweruza 18:9). Muthu thi a olesi ni ookukureya va dha Mulhuku. Yesu aarihina, "eseesani ovolhowa va mulhako mung'onong'ono." (Luka 13:24). "Arive muthu yooyo anaashasha anorophwanya." (Mateyu 7:8). "Nave ovenyera mahiku a Yohane m'batizi, ophiyera vano, omwene wa odhulhu ori wawaakanelha, nave awakanelhayo enawukusa ni ekophollo." (Mateyu 11:12).

Mnorolhakiwa kaamba ya ohipwatha omwene wa odhulhu. Olesi omnanneriha wi nihivekelheke, wi nihinaashashaka dha Mulhuku; niwi hina nihakhelhe malhakano a Mulhuku; mdho yothwarelhavo wunakhalhe olhakiwa. Mulhuku analhotaye ni weyaano, wuuveka wihina omwimnye murimaawo olhelho, nayene mudiyerekezi anuulhelha wihina dhemdhoo weere osiselho, apalhe mlhapo nikina, nemno apalhe, khiniwaniphinya; navetho thuukhwa ohinavulhusiwe apalhe ohimna Kristu. Mulhuku anihina, "Olhelho mwiiwa madhu aye muhinum'miha mirima dhanyu, we yerelhe makholho anyu ohimwiwelha Mulhuku." (Ahebri 3:7-8). Thi athu akavi ayo ekhwilhe ehimna Kristu mwaha wororomelha dha osiselho mno nihinaphiya?

Mlapo na osiselho khinihiyo naawo.

Nikulha na khapa nim'pharihiwa mutheko ni anamukumbasa va dha okhwiri, dhiidho mva khapa analhokoha dha orromelha ni weera dha okhwiri, masenga ni dhokhwima, munipuroni momuronromelha Mulhuku a okumi. Makasi vawesiwani ni vovoriwani, vamasosoni ni elhukulhuku dhawukhulha, nimirhelhiwa wihina nikhuwelheke wa Mulhuku a okumi, yooyo anaanikamihere, ohikalha wimoona omaalha; kambeene "Apwiya sika anokhelha muthu mwaweeta mwaye." (Masalimo 37:23). "Vokhalha mukina anavoriwa mwa nyuwaano? Awiiithane athekwene a va ethekoni oovekelha, mdho emvekelhelhe, emuhemlhe makhura mu mdhina na Apwiya. Nave nivekelho na mrromelho ninomvulhusa oovoriwoyo, nave Apwiya enoromongomelhiha; nave aarimi eemre marapwa anorokhurumuwelhiwa. Kambeene mukhurumuwelhaneke marapwa anyu mukina ni mukhwaaye wihina mongomelhihiwe. Nivekelho na muthu aphaama sika mniiweya." (Yakobo 5:14-16). Mulhuku ahaalhelha Aizilaeli wihina, "ahinaphwanyeya mwa nyuwaano ooyana mwanaye a mulhopwana apalhe a muthiyana omumndo wa nikhanga, oopwatha mirapo, apalhe oopwatha wimnda wa epalhame, apalhe a enyaka. Apalhe anamavirelha, apalhe anaminepaa, apalhe amakhanga, apalhe ookohera anamakhwa. Vawi arive muthu aweera dhemdha Yehova amnanariwana, nave kaamba ya dhonanaramdhha Yehova Mulhuku anyu amnathamakiha vamiithoni vanyu." (Deutoronomo 18:10-12). "Othe wuri anapwa ni a enyaka, ni ooraruwa, ni alhipawiyya, ni oovekelha maphwanihero, ni yaayo enadhivelhiwa ni wootha." (Chibvumbulutso 22:15).

"Muhinaroromelhaka ayo enaya eroromelhaka anamakhwa, apalhe a enyaka, muhinaaroromelhaka, onanarihiwana, miyaano kiri Yehova Mulhuku anyu." (Levitiko 19:31). "Vaavo enawerewa wa weyaano, ashaasha wa oolhava, ni awombeza, yaayo enimnda, ni ototopalha; nave athu khewa emwaasha Mulhukwiwa? Kaamba ya akumi, Sikamdhoo thuwaasha wa anamakhwa? (Yesaya 8:19-20).

Munamwelenganyu bukhulha, Mulhuku arina olhota wa nyu-

waano, owithanani wihina muhiye marapwa anyu ni omwimnya okumaanyu, navethi munepa wa khapa, yooyo ori m'murimani mwanyu, orina wuulhelheli wihina muhineera dhiidho, navetho amnesesa owimnyani murima wawoova. "Nibanja naka, akhwaaka, ni athu akina enawereke tini, kakhalha mukristu? Enawereye thi tini kahiyaaka wawiina, wohakalhalha ni dheko dhikina? Munipuroni mwawoona eyuuma eyo eri mwa Kristu Yesu, murendelhe wothikiniha, ehakalhalho yeeyo madhu kheni yawore othopoolha, marelhelho aye, okumi whimalha oyo ori ni dhodhiva dhimchichi, omnaamba woon dheko dhithedhene mdho onahiyewe, apalhe "odhitiwalha" wamwakhelha Kristu owa m'murimani mwawo, vaavo omoova muthu ni woova okhwa khidhiwa dhiweriha weyaano okhalha kaporo a mudiyerekezi. Nave Kristu aweelhe waathaphulha yaayo yaari akaporo mu okumiwa mutheene kambeene ya woova okhwa (Ahebri 2:14,15). Munepa wohipaalha wiwelha omnawum'miha murima wenango nikulha na khapa.

5. NAMTHAVI. Thi enama yawoopiha ni ya ekuku. Ekuku, olhutuwa ni osha murima mdho dhinaphwanyeya m'murimani mwa muthu dhimneriha wiiphana. Thuwesera, apalhe oworawene, wihina nihinashaka murima, ophiyera dhithedhene omalha. Thidhaphaama wakhulhelha wihina dhithedhenemdha dhimnaphwanyeya m'murimani mwanyu, ni omukoha Yesu wihina uthaphulheni. "Hiya osha murima; wuneremoona wuhiyani m'mavihoni." (Masalimo 37:8). "Osha murima thi ekuku ni whoosa." (Miyambo 27:4). "Ohinaakuva osha murima; vawi osha murima ori mwa oombwambwaana." (Mlaliki 7:9). "Hiya osha murima." (Akolose 3:8).

Oombwambwaana amchichi enawiryia otheka wihina yeere apalhe ehokoroselhe yonanara. "Otheka sika olhuma wa enowa, ni ovoreya wa ovalhi wa evilhi." (Deutoronomo 32:33). Ohokoroselha yonanara thiwaphaama wa murima wonanara, navemdhoo Mulhuku sika anawalhake atheene eneera dhonanara. Yesu aarihina, "Odhivelhiweke ni mukhwaawo we m'mo onidhivelhawe weekha" (Mariko 12:31) nave "Odhivelhiweke ni amwitani awo." (Mateyu 5:44). Mulhuku aalhokoha onikhurumuwelha marapwa ahu, vavove narimi nakhurumu-

welhaka akhwiihu marapwiiwa wa hiyaano (Mateyu 6:12). Murima wokukureya, ori wawiitana ni Mulhuku. Opaalha wiiphana ni ekhoto dhiri m'murimani mwa muthu, dhiidho vimpaalheya wihina nikerathihe murendelhe wihina nihwanilhakiwa.

6. ENOWA. Yamulheka Hava m'matani mwa Ideni yeeyo yavirikanihalhe omudhe ni opodha ni Mulhuku. Satana aw-erelha ehache Adamu ni Hava, vaavo onilhaye wihina dhekohithedhene dhaari m'mathani mwiwa wihina ewehereke, yaarithe mwawianana ni Mulhuku, niwhinatho yaakusa nipuro naye. Mwa ehache satana ahupuwelha dhawi awitanuhe, sikathi dhaworeya aananariha opodha ni okumiisa ni Mulhuku. Ehache ni nrima dha osatana wenango dhemdhahiri m'mirimani dha athu onanariha murendelhe dha akhwiwa yoona wihina akhwiiwayo erina okhalha mohakalhalha. Ehache emnawiiha mpuwelho oonanara m'mirimani wahoosa akina, thuwerihatho wiiphana. Mdha dhinereyesa wa yaayo ethelhamne. Ehache sika enamweriha mulhopwana osha murima; nave khawaerelha etakarakha mlhapo nohokoroselha elhako (olhaka) (Miyambo 6:34). M'magenini owaaka ni mudhawereya dhithedhene ehache emneriha wihina athu yooneke maviho ni wiitana. Naari akristu a vaethekoni wenango analhalheya, ni amurum'mwa kheri oothaphuwa omwerelha wa ehache yoona wihina akina emnapharihiwa mutheko ni Mulhuku ohiyana ni alhiwani. Mdho vim'phwanelha woonesesavo vaava, ni okhalhana mdhivelho na Mulhuku mno animnyalhaye m'mirimani dhahu vonimnyani munepa waweelha (Aroma 5:5), kambeene eheera dhiidho opharihiwa wiwa mutheko ni Mulhuku thumalha mwaha wa ehache.

7. NAPHULHU. Amlhota dha marapwa a nrima ni mdhivelha na va ekhorowa yooyo ori musisi wa dhonanara dhithedhene (1 Timoteo 6:10). Anaphulhu akina akhalha ephwanyiwaka okhongo echaka enenelhi dhimchichi ophiyera ophulheya ni okhwa. Muthu a nrima khampaalha othapurusa mnatha wihina amwimnye ohoowa ni oorama, nave amnesesa, mwawoona ni mohoona murima, wikhuteyelha eyuuma ya elhapo ya vathi. Yesu aarihina, "Muhinikhuteyelha eyuuma ya elhapo ya vathi, mvo akhwirini ni esipilhi dhimnanarihiwa: ni alhipawiya

enapwesiwa niwiyyamo; nave mwivithelhe wekhiinyu eyuma mudhulhu, wemko akhwirini ni esipilhi khidhini dhananarihe, navetho alhipawiya kheniyapwese ni wiyyamo. Vawi wemko wumkhalha eyumaawo thi wemko wumkhalha murimaawo.” (Mateyu 6:19-21). Akani n’nibanja naye yahiphwiwah maha wodhivelhiwa golide, siliva ni dhowara (Yoswa 7). Yudasi Isikarioti, oohudhera a Yesu, ahimakelhelha yekha maha wodhivelhiwa ekhorowa mdho dhamwerihalhe wihina amvel-helhe pwimnya ni omuholhelha aye. Khehiyoni ekhorowa eri yonanara, apalhe golide, thi mdhivelho na va ekhorowa mno niri nonanara mno nipithalhe m’murimani mwa muthu. Ezikwi dha alhopwana ni athiyana a malhoko matheene erina onanariha okumi dhiwa ni dha mabanjiwa mu ethilha dhonanara wihina ephwanyeke eyuma we vomwetani mpeya ni wikarana va abulu ni anapwa, ni dhikina. Murima wopaal-ha ophwanya ekhorowa mohiphara mutheko omnaholhelha wiiya ni wiipha apalhetho odhiipha weekha. Mdhivelho na va ekhorowa ni nrima dhiri mu ethilha dhimchichi, wenango waasha ovuwa, wooniha we a ekopholho, thukhalha dha nengoolhe wihina waholhelheke akina, okhalha ni ekhorowa wihina wahooseke ohoowa; apalhe dha Mulhuku, wimapaalha wihina oholhelheke athu vachalichini ohikhala omudhuwelha Mulhuku, onaweriha athu a Mulhuku othwarelha mpingo munipuroni momuthwarelha Mulhuku. (Mariko 9:38). Yesu aarihina, “Iwehereni, mwivithe wekhiinyu ohipaalha erive elho, kambeene okumi wa muthu khomlhikana ni waata wa dhekemdhao arinaye.” (Luka 12:15). Maha wa muthu a eyuma ori mwawidhiidha: “emata ya mulhipa eyuma yakhalha ni dhorta dhimchichi. Nave ahupuwelha mwayeekha ihina, kinaweredhe miyaano, okhalhaka ngimna movithamo dhekodhaka? Nave aarihina, Kinawere dhiidha: Kineremakarakanyulha dhortithelhamo dhakamdhha, kimaketho dhuulhupalhi, kedhiidho kivithemo dhohata dhaka dhithedhene, ni eyumaaka. Mdho kinalhote ni okumaaka, okumiwe, wokhalha ni eyuma yim-chichi yovithea ophiyera miyakha dhimchichi, ngakhurumu-watho, oche, owirye, ohakalhalhe. Nave Mulhuku aarihina wa olhiyeni, oombwambwaanawe, mahiyu yaalha onoropal-hiwa okumaawo; nave dhekodhawo dhinakhalhe dhawani? Dhiri dhiidho ni yooyo anivithelha eyuma nave ohikhali-

hana eyuuma yawa Mulhuku." (Luka 12:16-21). "Nave muthu anaphwanyavo tini akhalha a eyuuma va elhapo ya vathi, nave atathilhavo okumaaye?" (Mariko 8:36). "Nave olhiye aarihina wa oohudhera aye, kambeene kimlhota wanuwaano, muhikhupanye ni okumaanyu, eyo munachenyu; apalhe mwiihi, eyo munawarenyu. Vawi okumi ori muulhupalhi ohiyana ni yoocha, ni mwiihi ohiyana ni yowara. Upuwelhani anakhu-ku, wi khemlhima, kheyimna empa yovithelhamo, apalhe enkhokwe; mdho Mulhuku sika anaachiha: thimwawiidhe ni nyuwaano khamumkhwaranya epalhame! Nave thani anyuwaano, ni okhupanya anawore ophithavo va osinkhu waye ni orakama muwono m'modha? Nave mwarimi muhiworaka apalhe eng'onong'ono, munakhupanyera tini ni dhikinamdh? Ngupuwelhani dhomelha, wumnuwa wiwa, khidhim'moona wumnuwa oohinyaalha, nave kimlhota wanyuwaano, naari Solomo, m'marelhelho aye matheene khawamre wenango alha. Mdho Mulhuku aarimi awarihaka mwawidhiidha manasi a ohakani ookhalhavo olhelho, yedhiidho osiselho evokhiwe viikho; mdho nyuwaano thuhiwimnyani, nyuwaano oororomelha vang'onove? Mdho nyuwaano muhinaashashaka yeeyo munachenyu, niyeeyo munawarenyu, nave muhikhale oo-hiroromelha m'murimani mwanyu. Vawi mdha dhithedhene malhoko a athu a va elhapo ya vathi emnadhaashasha; nave athithinyu emnadhuwelha wihina mumnarama dhithedenemdha. Navethi ngashaashani omwenaye, nave mdha anorowuphithanivoni. Muhinoova, mulhoko wa epucheputchenyu; kambeene athithinyu emdhivelhiwa owimnyani omwene. Kulhihani dheko murinyuna, mvelhelhe we dha mahalha; mwipotokosere mirupa dha ekhorowa mdho khidhiwadhimalha, eyuuma yohimalha mudhulhu, mko alhipawiya khewa yatamelha, nave akhwirini ni esipilhi khidhiwa dhinanariha, vawi mko wuri eyuumaawo thiwemkotho wumkhalha muri-maawo." (Luka 12:22-34).

8. SATANA. Athithimnya a dhawootha dhithedhene ni yaayo enootha, thiyooyo ananirapwiha, thiyooyo ananiholhelha m'mirimani dhahu. Yesu aarihina, "Nyu muri oovenyera mwa athithinyu mudiyerekezi, nave dhopaalha dha athithinyu mumpaalha odheera. Kambeene olhiyoolha aari oonanara

ovenyera vawaamba nave khawimemlhe mu epariparini." (Yohane 8:44). Wootha wung'onong'ono wuri wonanara we wuul-hupalhi. Vokhalha dhawootha mdho dhimlembiwa, olhotiwa apalhe weeriwa. Muthu oolheka thi awootha kambeene an-iphwanaphwanihera ni yeeyo ahiraye. Mulhuku khani othe — navetho mukristu khani othe (Tito 1:2). "Nehina nohathanna olhiyeni, nave n'neeta mu epiphini, nim'mootha, nave khimneera eparipari." (1Yohane 1:6). "Othe wuri anapwa ni a enyaka, ni oonanana, ni alhipawiya, oovekelha maphwanihero, ni yooyo amdhivelhiwa ni dhawootha ni weera wene." (Chibvumbulutso 22:15). "Namoona awootha ni odhivelhiwa wotha-otha, thi awitaniha amudhe." (Miyambo 6:19).

9. ETHENDERI. Enalhokoha dha mpuwelho a m'murimani wa arive muthu. Mva, ori wooripa ni wonanara, apalhe wookhwatho kaamba ya marapwa; ari ohoona ni oopahulha, mwawi khani oone marapwa aye. Mpuwelho oonanara alha elhukulhuku dhikina khemduhwanyeya, nave elhulhuku dhikinatho emkhalha ohoosa. Amnitana ni elho yaphaama, ni wathanatho ni elho yonanara. Yeelha thukhwa, wenango erimoosiwa, atathilha dhithedhene votathilhani mroromelho na-wootha, wiwelha minepa dhawootha ni othwarelha mahudhero aminepa dhonanara, ni wiwelha mahudhero emvelhelhiwa ni awootha (1 Timoteo 4:1-2; Ahebri 10:22).

10. NIITHO. Niitho na Mulhuku nimnoona erive elho eri m'murimani. Kheyiivo enawipitheye vamiithoni vaye, dhiidho amnadhuwelha niwoona mpuwelho awipitheya matheene ni dhopaalha dha murima. Naari dhonanara dhawo odheere mu epiphini, mu othakoni, mulhitini, apalhe wuriveweko, Mulhuku arinawoona. (Miitho mu ephwanihero elha erina olhokoha m'mo okhalhelhe murimaaye).

11. ASIMALHUMI A MUMNDO. Alha thi yaayo yaphelhe murima wa muthu wooniha mdhivelho na Mulhuku wa muthu oonanara. Naari Mulhuku itanaka ni mrapwa navethi kham-paalha okhwa wa muthu amarapwa, mdho ampaalha wihina arukunuwe ni ohiya marapwa aye ni okhalha mukumi (2 Peturo 3:9). Yesu aawa ovulhusa amarapwa. Wumnakhalha

ohakalhalha odhulhu kaamba ya muthu m'modha arukunuwalhe murima (Luka 15:7). Asimalhumi alha em'phwaniheratho nikhame na Yesu, "mwaana a epucheputche a Mulhuku, oyo amvenyiha mrapwa na elhapo ya vathi." (Yohane 1:29).


12. MUNGELO. Animelhelha madhu a Mulhuku. Mulhuku ampaalha olhota ni yaayo yothothiwe ni yaayo etukhulhalhe mitokoma dhoneyelha dha mrapwa, wihina ehiye ethilha dhiwa dhonanara niwakhelha omolhelha ni mdhivelho dha Mulhuku m'mirimani dhiwa.

13. ENKHUNDA. Elha thi ephwanihero ya munepa waweelha, oyo onupulhulha dha Mulhuku, dha mrapwa ni yeeyo eri yaphaama, ni elhako ya Mulhuku (Yohane 15:26). Munepa waweelha mva ori othe wa murima wa muthu. Khoniwakhalle mko wunereya marapwa.

Warimi murimaawo ori wenango ephwanihero ya murima olha, mndelha wa Apwiya, hulha murimaawo wa olhiyeni, hiya omolhelha wa madhu aye wumolhelhemo. "Nave yaarihina, ororomelhe Apwiya Yesu, nave onorovulhusiwa, weyaano ni avabanjani vavo." (Machitidwe 16:31). Mulhuku ari oopaalha, dhawoona, aalhokoha orukunusa murimaawo, owimnya weyaano murima musha ni mupuwelho ananweene (Ezekiel 11:19). Dhemandha dhithopolhiwe mu ephwanihero yanepiilhi.

EPHWANIHERO YANEPIILHI

Ephwanihero elha enooniha murima wothwaruwa oyo onaamba omwaashasha Mulhuku. Mungelo akusalhe mwalho, ophwanihera madhu a Mulhuku, yaayo eri "a okumi ni aweraweeera, ni awiisha okhwaranya mwalho wawiisha wuniwu: emnavolhowa muwari mwa mwiihi, ni m'makhuvani mwene odhuhwelha dhemandho dhimpaalha murima." (Ahebri 4:12). Madhu a Mulhuku enamuupusa wihina "Yolhivelha ya marapwa thi okhwa, nave yovelhelha yamahalha ya Mulhuku Sika okumi wohimalha oyo ori mwa Kristu Apwiya ahu Yesu" (Aroma 6:23) niwhihina, "athu enaakhwe omodha, nave yakhwa yiipiwe mulhatu." (Ahebri 9:27). "Nave awoova, ni oohiroromelha, ni



2

2. MURIMA WOVANYIWA OMRAPWA

oonanara, ni oovekelha maphwanihero, ni atheene awootha, yawakhelhiwa enakhalhe eniya ya mumndo ni sulfure, sika okhwa wanepiilhi." (Chibvumbulutso 21:8).

Mumnatha naye nikina mungelolha apharelhe ekharakadha ya muthu. Yeelha enamuupusa muthu orapwolha wihina mnawanikhwa mlhapo nikina. Miilhi dhahu mdho dhinani-dhivelha, odhiwariha, odhichiha ni odhirerih, dhemdho mna-dhipwathahu dhinawadhikhwa niwumta, nave dhinorochiwa miingu vaavo okumi ni munepa khidhiwadhikhwa, nave ml-hapo nikina dhinorophiya vamiithoni va Mulhuku (Kristu), wihina dhiipiwe mulhatu ni olhiyeni (2 Akorinto 5:10).

Mva mnoonavotho muthu amarapwolha aambaka opwatha mutchaka wa Mulhuku ni ohulha murimaaye wa Mulhuku. Munepa waweelha wohaamba omolhelha mu epiphini ni m'murimani mwa muthu amarapwolha. Mulhuku amolhelhamo, epiphi emnathawa. Mrapwa mno niphwanaphwanihiwe ni enama dhithedhenemdha, dhim'phwanelha othawa. Dhiidho, mukhwaaka awelengawe, mwakhulhelhe Yesu, muthiko wa elhapo ya vathi, owa m'murimani mwawo, epiphi ni dhaweera dha mu epiphini dhinorovenya m'murimani, wenango m'mo dhinooneyelha mu ephwanihero elha. Yesu aarihina, "miyaano kiri muthiko wa elhapo ya vathi; olhiyeni ookithwara miyaano khawa eeta mu epiphini, navetho anorokhalhana muthiko m'murimani mwaye." (Yohane 8:12). Khoniwawore okumiha marapwalha m'murimani mwawo weekha ni ekopholho dhawo, ezelu dhawo, apalhe ni ezelu dha athu. Ethilha yokhweyesesa, yororomelheya, yawakuva ni yohiposa, thi omwakhulhelha Yesu, muthiko, owa m'murimani, mdho epiphi, nemno niri mrappwa, mnorowuhiya. Mweeri ni ethenderi dhimnakamihera onimolhelha hiyaano mahiyu wakhalha epiphi, navetho mdhuwa nak huma, epiphi ni dhomolhelha dhing'onong'ono dhikina khidhinooneya. Yesu thi mdhuwa na eparipari. Ayilhaye o Yerusalem, ahaakumiha anamakulha ni anamakulhiha dheko. Ahuupurusa etheko dha awakakhaniha ekhorowa ni etheko dha anamakulha enkhunda, alhelha wihina, "dholembiwa, empa yaka enaweriwe empa yovekelhelhamo; nave nhuyaano munayeesa nikhungu na anamasikita." (Mateyu 21:13).

Murimaawo ori empa ya Mulhuku, mokhalhamo Mulhuku. Am-paalha wihina akhalheke mwem'mo, oreriheni, omolhelheni, mdhivelho ni ehakalhalho. Yesu khaaweelehe onikhurumuwelha marapwahuve, nave aweelhetho onoopolha ni onithaphulha ovenyera o ekopholho ni machiri a mrapwa. "Nave mwaana akeesani oothaphulhiwa, munakhalhe oothaphulhiwa." (Yohane 8:36).

EPHWANIHERO YANERARU

Ephwanihero elha enooniha hiyaano m'mo okhalhelhe murima wa muthu oothwaruwa. Vano arina woona wumnuwa ni woopiha wa marapwa aye ayo Yesu aakhwemlhaye vam-wikimanyoni. Awoonaka mwikimanyo yooyo mungelo, madhu a Mulhuku, anamoonihaye, dhimnamweriha etakarakha, nave amnadhimndelha, ososiwa ni odhoona oohiphwanelha kaamba ya marapwa aye. Awoonaka mahalha muulhupalhi amwerelhe Mulhuku oweelha mwa Kristu Yesu, murimaaye omnaviha, awupuwelhaka wihina Yesu Kristu, mwaana a Mulhuku, aawa okusa marapwa aye mamchichi, aakhwemlhaye vamwikimanyoni munipuroni mwaye.

Dhawi Yesu aawasulhiwa, owarihiwa yowara ya miiwa omununi, otwadhelhiwa vamwikimanyoni kaamba ya marapwa ahu, dhirina ohoosa murima wa muthu oothwaruwolha, mdho dherihalhe othathusa murima ni okumaaye. Awelengaka madhu a Mulhuku m'mo anaworaye adhoona yekha wenango munigalasini, amnoona m'mo arakamelhelhaye wa Mulhuku vohiwelhani malhako aye. Muthulha thi a etakarakha ni oososiwa, amnavelhelha murimaaye wa Mulhuku ni miithori ni wimnda, nave amnatamelhiwa ni Yesu. Mdhivelho ni muren-delhe dha Mulhuku dhimnavolhowa m'murimani mwaye vaavo anaambaye wupuwelha wihina **"Narimi neetaka mu eparipari, we m'mo olhiyeni ari eparipari, nawathanaka mukina ni mukhwaaye, mdho nikhame na Yesu n'noronihapiha onivenyihera mrapwa nithenene."** (1 Yohane 1:7). "Mukipotokosere murima waweeilha, o Mulhuku; mpotokose murima wokaratheya muwari mwaka." (Masalimo 51:10). Wiilhiwa madhu a Mulhuku enihina, "enakidhivelha thi yaayo eni-



3

3. MURIMA WOTHWARUWA

yeviha ni oothwaruwa, enoova ni okiiwelha miyaano.” (Yesaya 66:2). Munepa waweelelha omneeriha madhu a Yesu wiwuya wa olhiyeni, “Ihipa murima, mwanaka, marapwa awo akhurumuwelhiwa.” (Mateyu 9:2). Vaavo ariye oweha omwikimanyoni n’nikhame na Yesu mno navuvalhe vamwiki-manyoni, vodhuwelhani wihina dhereyilhe mwaha wa olhiyeni, amnaamba odhuwelha wihina mutokoma wa marapwa aye wokusiwa, kambeene Yesu aalhivelha munipuroni mwahu; vawi, “kaamba ya marapwa ahu aaphorihiwa, wukuthiwa kaamba ya dhonanara dhahu,” vawi “Apwiya yaheriha elhako yahu om’morelha olhiyeni.” (Yesaya 53).


Mdhivelho na Mulhuku ni munepa waweelelha dhimnaholhelha murima waweelelha olha. Nave amroromelhaye mwa Yesu, amnadhuwelha wihina marapwa aye akhurumuwelhiwa, mdho amnadhuwelhatho wihina nikhame na Yesu, mwaana a Mulhuku, nomwelhiha omvenyihera marapwa matheene (1 Yohane 1:7). Vano amnaroromelha wihina arive muthu oyo amroromelha mwa Yesu khawa akhwa, nave anorokhalhana okumi wohimalha (Yohane 3:16). “Nohoopolhiwa n’nikhame naye, okhurumuwelhiwa marapwa, mwa mahalha aye.” (Aefeso 1:7). Mupuwelho oonanara atathilhiwa nave ohaamba ophara mitheko dha Mulhuku “yooyo namudhivemlhe vawaamba.” (1 Yohane 4:19). Munipuroni modhivelhiwa ni elhapo ya vathi ni dheko dha elhapo ya vathi, vano amdhivelhiwa ni Mulhuku ni dheko dha Mulhuku. Mu ephwanihero elha, enama mdho dhimelhelha marapwa, vano dhiri othe wa murimaaye, naari satana esesakave wihina ahimuhiye, waasha mulhako wihina avolhowe ni ohokolwelhamo wiilhi. Kambeene Apwiya Yesu yanihelha wihina nihinahiya vivekelhelha; omukhoota mudiyerekezi mdho anorothawa ovenyera wahiyaano (Yakobo 4:7).

EPHWANIHERO YANESESE

Ephwanihero elha enasoriha dha mukristu oyo aphwamnye murendelhe ni ovulhusiwa kambeene ya okhwa wa Apwiya ni mvulhusa ahu, Yesu Kristu, nave khanakotelha erive elho “nave miyaano nginakotelha erive elho, naari ekina, navethi

OKHWA NI
KRISTU.
Aroma 6:6

"VAWI MWAAKHWA,
MDHO OKUMAANYU
OVITHEYILHE VAMODHA
NI KRISTU MWA
MULHUKU"
Akolose 3:3



4

4. OKHWA NI KRISTU

mwikimanyove wa Apwiya ahu Yesu Kristu, yooyo athomeyiwe kaamba ya elhapo ya vathi." (Agalatiya 6:14). Yesu aakhwa vamwikimanyoni wihina naheenetho "nikhwe omarapwa ahu, nikhalhe ni okumi votwarani eparipari" (1 Peturo 2:24); mukristu thi ookhwa odheko dha va elhapo ya vathi. Nirina olhelhiwa "nave kirina wuulhelhani wihina muhoolhelhiweke ni munepa waweeleha, nave muhinaholhelhiwa ni dhopaalha dha mwiilhi" (Agalatiya 5:16,25).

Vanipuroni mvo Yesu amakelhelhiwaye emamlhe omurulha dhowara dhaye, nohoonihowi mu ephwanihero elha ya murima, ni miwashupo mdho yamuwasulhalhiwana. Aalhakiwa kaamba ya marapwa ahu; elhako yonikusera hiyaano murendelhe Yam'morelhe olhiyeni; nave ni maviho aye nohongomelhihiwa." (Yesaya 53:5). Herodi ni asuphayi aye yamuroma, nave emamlhe omuwashulha, Yamuvariha yowara ya miiwa Vamuruni Vaye – munipuroni momuvariha yowara ya golide, nave em'pharelhiha ekopo m'mathani mwaye – munipuroni mwa ekopo ya omwene, emuwaramelha enamunyelha, enihina, "Niwooneni mwene a Ayuda!" Yamuthaphera emwaakha ekopo elhe, emuukutha vamuru. Emamlhe omunyemulha ni omunyambusa, yamuholhelha wi athomeyiwe (Mateyu 27:27-31).

Vokhalha amchichi eneriwa Akristu ayo enavekelha, enacha mukonelho wa Apwiya, navetho eniipa machipo a Mulhuku, nave ni merelhiwa oonanara erina omuthomeya mwaana a Mulhuku wiilhi (Ahebri 6:6). "Khe arive muthu anihina wamiyaano, Apwiya, Apwiya, anavolhowe mu omwene wa odhulhu; mdho yooyove aweera epalhelho ya athithi aka a odhulhu" (Mateyu 7:21-27).

Mu ephwanihero elha nimnaphwanyavotho murupa wa ekhorowa wa Yudasi, oyo amvelhelhe Apwiya Yesu ni omukulhiha olhiyeni ekhorowa makhumi mararu, mwaha wa mdhivelho na va ekhorowa mno naphamre murimaaye. Muthiko, mikwe, ni dhikina, dhapharihiwa mutheko ni asuphayi vomukusani Yesu em'makilhe nimahiyu. Yomwetelha mpeya, eyo enamwetelhiwana mpeya, yapharihiwa mutheko ni asuphayi

vomwetani mpeya wihina edhuwelhe oyo anakuse dhowara dha Yesu. "Yaakawana dhowara dhaka, vomwetani mpeya va dhowara dhaka." (Masalimo 22:18). Yaakusa erive elho ovenyera wa Yesu, mdho olhiyeni emukhoota, yihina "Khim-nampaalha muthu yoolha wihina akhalhe mwene ahu". Athu empaalha wihina yakhelheke dheko dhithedhene ovenyera wa Mulhuku, murimu ni mdhuwa, nave khempaalha wihina emwiwelheke Mulhuku we Apwiya ni Okhalha oowaholhelha. Amchichi, enampaalha Mulhuku wi aakamihereke yakhalha m'mavihoni.

"Nave vophiyani wa Yesu, vaavo yamoomniwa wihina akhwilhe Khalhe, Khiyawimthakilhe meto dhaye; nave mukina a asuphayi aamuuhoma n'nivaka mpararuni mwaye, mdho vaakhuma nikhame ni maadhi. Nave yooyo oomne oherelha onamoona, ni onamoonaaye ori wawoona; nave olhiyoolha amnadhuwelha wihina analhota dhawoona, wihina nanyeenetho mwaroromelhe. Vawi mdha dhahereya, wihina dholembiwa dhakwakhwanelhe, nikhuva na olhiyeni khiniwan-imthakiwa. Nave dholemba dhinihinatho, "Enorowa wa olhiyeni yooyo yamunyambusalhiwa." (Yohane 19:33-37). Muthupi ohnimnde, Peturo aamukhoota Yesu oraru wihina Khanamud-huwelha, navethi aathwaruwa vowimndani monyeniywa murima (Mateyu 26:69-75). Thulhota mwawiweya wihina wovelhelha murimaawo wa Yesu Kristu, m'malhotelho ni merelho awo? Nave apalhe omnoova wi akina edhuwelhe? Yesu aarihina, "Arive muthu oyo anakakhulhelhe vamiithoni va athu, miyaano kinoromwakhulhelhatho olhiyeni vamiithoni va athithi aka a odhulhu. Nave yooyo anakikhooete vamiithoni va athu, miyaano kinoromukhootatho vamiithoni va athithi aka a odhulhu." (Mateyu 10:32-33).

Yesu aarihinatho, "Nave yooyo ahinakusa mwikimanyo waye, anakithwarelha vatulhi vaka, kham'phwanelha miyaano." (Matheyu 10:38). Oothuwa thiyaayo ephwanyilhe empiiwa mumlhu-kuni Yesu Kristu !

MCHIPO:

Mlhuku nothalheyathi, kiipithe mweemu!

Maadhi navetho nikhamemno dhokhuma m'pararunim'mo,
Dhikihuwe m'murimani puu ! Dhikilhipihethi.

EPHWANIHERO YANETHANU

Ephwanihero elha enooniha murima waweeleha ni wohuwiwa wa muthu aari amarapwa oyo avulhusiwe mwa mahalha ni mdhivelho na Mulhuku. Murimaaye thi empa ya Mulhuku, Athithi, Mwaana ni munepa waweeleha, wem'mo alhotelhe Apwiya Yesu Kristu, "Yesu aawakhulha ihina, mukina kamudhivelhaka, anorovitha madhu aka, nave Athithi aka enorodhivelhiwana, mdho n'norowa wa olhiyeni, nave n'noroweesa mwa olhiyeni mwawivithamo." (Yohane 14:23). Mulhuku amnamuriinha, omuthuwihia ni omuwelhiha muthu oweelha mwa Yesu Kristu (Luka 1:52).

Murima vano ori empa ya Mulhuku. Marapwa akumihiwa othe. Munipuroni mwa enama dhoziyanahiyana dhinaholhelhiwa ni Satana, athithi a dhawootha, n'noona munepa waweeleha munepa wa eparipari, orina okhalha m'murimani. Munipuroni mokhalha nipuro novenyera marapwa, murimoolha ori woreera, muteekho apalhe emata eyo eri ni dhawiima, dhawiima dhene dhikhalkaka munepa waweeleha, ehakalhalho, murendelhe, wiyeviha, ovilhelha, wathaneya, ophaama, mromelho, wivaanya ni dhikina dhemdho dhiri dhawakhelheya ni dhomuhakalhalhiha Mulhuku ni muthu (Agalatiya 5:22-23). Vano ari yawiima ya muteekho woyara m'midho waphaama — Apwiya ahu Yesu Kristu. Yiipitho ya yawiima yeelha thi-yawihina ari oopatana ni Kristu, navetho Kristu ni madhu aye eri mwa olhiyeni (Yohane 15:1-10). Wem'mo abatiziwelhaye ni odhalhiwana munepa waweeleha, okhalha ni ekopholho owana ni dhopaalha dhaye, ni odhiipha (Agalatiya 5:24). Munepa waweeleha sika onaholhelha okumaaye, nave khanakhwelhameera dhopaalha dhaye (Agalatiya 5:16). Naaritho weera dhemdho anoonaye, wiiwa ni wiwelhelha, navethi ni mromelho — kambeene "nave wu thi okhwaranya, mko nimkhwaranyahuna va elhapo ya vathi." (1 Yohane 5:4). Amkhalha mohikhupanya mwa mromelho ni machiri vocherelhani owa wa Apwiya Yesu mko wuri vakhuviru. Amkhalha niwakhelha

MDHIVELHO
EHAKALHALHO
MURENDELHE
MROROMELHO
Agalatiya 5:22,23

WATHANEYA
OPHAAMA
OVILHELHA
WIYEVIIHA
WIVAANYA



5. EMPA YA MULHUKU

mdhivelho na Mulhuku, mno nirivo elhukulhuku dhithedhene.

“Oothuwa eri aweelha murima; kambeene enoromoona Mulhuku.” (Mateyu 5:8). Mwene Davide, ohiya eyuuma ni okh-waranya waye va ekhoto avadhaaye, aadhuwelha wihina ekhoto yuulhupalhi yaari okusa nipuro m’murimani mwaye mdho vodhuwelhani yeelha, aavekelha, “mukipotokosere murima waweelelha, o Mulhuku; mpotokose murima wokaratheya muwari mwaka.” (Masalimo 51:10). Khiivo anawore welhiha murimaaye, naari wipotokosera murima waweelelha, vavove athwaruwalhe ni owa wa Mulhuku we erelhe mwene Davide, omveka Mulhuku wi ampotokosere murima waweelelha mwa olhiyeni. Mulhuku ampaalha wi eere elho ya nanweene mwaweyaano. Opotokosa mwawahuwa, ni mdho munoonanyu wenango dhaphaama, ororomelha dhawootha khiuwaweriha mirima dhanyu okhalha nipuro naphaama na Mulhuku. Olhiye ampalhesesa wihina ukamihereni nyuwaano, kambeene olhokoha, “nave kinorowumidhani maadhi aweelha; navetho owelihihani wuvenyiherani dhonanara dhanyu dhithedhene, ni maphwanihero anyu matheeene. Nave kinorowimnyani murima musha ni mupuwelho masha, ni ohiya murima musha muwari mwanyu; nave kinorovenyiha murima wa mlhuku m’mwilhini, ni owimnyani murima wa muhehe. Kinorowimnyani munepaka muwari mwanyu, ni owtihani m’madhu aka; mdho munorovitha malhako aka ni oweera.” (Ezekiel 36:25-27). Olha thi mutchaka wa mlhakano na nanweene oyo onimnyalhe Mulhuku oweelha mwa mwanaye, Yesu Kristu.

Mu ephwanihero elha nиринавонаво the mungelo wiilhiwa. Angelo yatholhiwe wihina “eweherereke yaayo enamurihiha Apwiya ni wasupaara awoova Apwiyaalha odheko dhawoopiha.” (Masalimo 34:7; 91:11; Danieli 6:22; Mateyu 2:13; 13:39; 18:10; Machitidwe 5:19; 12:7-10).


Mudiyerekezi arinawooneyatho mu ephwanihero elha, iimem-lhe mwawatamelha murima, opaalha wihina avolhowe munipuroni naye nakhalhe wiilhi. Kaamba yayeelha nirina ol-hehiwa wihina “Khalihani miitho, cherelhani, mwitani anyu mudiyerekezi, arina othuruma wenango phodogoma, arina

weteeta ni washaasha mukina wi am'phorihe." (1 Peturo 5:8). Aniphwanelhiha we mungelo a eparipari, oweesa aana a Mulhuku wi erapweke ni dha va elhapo ya vathi, weseesa, ni olheka waye, waalheka athu ootholhiwa a Mulhuku. Vawi, narimi, nimukhootaka mudiyerekezi, anorothawa ovenyera wa-hiyaano. (Yakobo 4:7).

EPHWANIHERO YATHANU NI EMODHA

Ephwanihero elha thiyawiwihha etakarakha ya muthu oohokol-welha mutulhi. Niitho nikina nohaamba ovalheya, ohaamba oriryva va okumaaye wa ekristu, vaavo niitho nikina nirina ovehaweha ni woona dha mu elhaponi we dhaphaama. M'murimani mohaamba epipi, ni ephwanihero m'murimani mwaye, mdho dhooniha wihina arina weeta ni Kristu, dho-mora navetho khidhimemlhe phaama. Ari awaphelhiwa ni meesero ayo arinaye owaakhelha munipuroni mowakhoota. Munipuroni momwiwelha Mulhuku anamwiwelha mudiyerekezi ni malhakano aye awootha. Narive ayaaka ochalichini, withiha wi ahidhuwanyeye wihina thi oohokolwelha mutulhi, nave mdhivelho naye ni Mulhuku noriryva m'murimani mwaye. Vano ari oohikaratheya, amkhwelha meera erive elho. Ohaamba weera dha va elhapo ya vathi, nave anakhwelha maphwani-hera wi amnadhivelhiwa ni Mulhuku. Ethenderi m'murimani mwaye, mroromelho naye, dhithedhene dhookhwa. Mwikimanyo khanawukusa ni ehakalhalho, vano ohaamba ohathaneya, mutokoma wohaamba omunyeelha. Mroromelho naye nohaamba otikheya, ohiimesa ovekelha wa Mulhuku, khamnana mutheko naari opwathawo m'mo okhalhelhe murimaaye, vang'ono ni vang'ono ohaamba omwimnya mudiyerekezi nipuro oyo ana-mutiyera othe wa murimaaye. Ohaamba waathana ni athu amarapwa ohiyana ni aana a Mulhuku.

Epahame ya enthiwatiwa, eyo enimelhelha okota, yohaamba opaalha wi evolhowemo wiilhi. Otiwala wihina avulhusi ni mahalhave, navetho ari mukristu ookota. Owirya wohaamba opaalha owamo wiilhitho. Thukhalhavo eyo yerihalhe, apalhe akhwaaye amarapwa, vawihina enawerekehina olhiyeni ari oohiyana ni akhwaaye, apalhe wihina thi oombwambwaana,



6

apalhe oohathaneya, apalhe volhelhiwani ni Mudiyerekezi wihina eemre omodhave thukhalhave mukristu. Dhawera dhaye dhohaamba wooneya we dha muthu a othe. Apalhe ohaambatho olhota dha oyere, niwaambatho oweha ephwanihero (dhojambula) dhonanara, waamba weetatho ni akhwaaye oonanara, oya o empa dhawinelhamo, dhojakalhalhiha dha mu elhaponi, okhalha ni mpuwelho oonanara ovenyera wa mudiyerekezi oyo anamulhelha wihina arive muthu amneera dhonanara niwihiina mrapwa ning'onong'ono khiniri nonanara.

Volhotani dhawoona, yonanara ni mpuwelho oonanara khenapoosa owa m'muruni, mdho orapwa wuri vawakhulhelhani dhekodha wihina dhimake emphuru dhiwa m'mirimani dha-hu, nnakumiha othe merelho oonanara. Namwimnya mudiyerekezi nemphini ahu, mdho anorophara muwono mutheene, okusa okumi ni munepa ahu oyaana ogehenani. Dhiidho ol-hokoha wa Mulhuku wa hiyaano thiwawihina, nihinapwathaka dha ezombwe ni ohitheelha ni mrapwa, khidhimna mutheko wihina n'nawa mwawidhe. Thawelhani wa Yesu, oyo ananivitha ni onakiha.

Muthu oyo anooneya mu ephwanihero elha ahomaka murima ni mwalho, animelhelha yaayo enaroma ni okhoota ekristu. Malhumi ni eyano dhiwa dhawootha emnukhulhana ni ophorihana mirima dha akristu — ni mukristu oohilipa khani avilhelhe. Amnaamba owoova athu ohiyana ni Mulhuku navetho kambeene yawoova dholhota ni dhaweeda muthu, ari kaporo a athu, dhemdho dhimuhiyalhe witeete ni Mulhuku. Ohivilhelha ni osha murima dhinooneya elhukulhuku dha maviho ni dhawukkulha, sika dhinooneyiwa. Ehache, enooneya mvo akhwaaye enakhalhiwa ni dheko dhaphaama ohiyana ni olhiyeni, navethi dhavirelhelha, amnaamba okota ni owiita akhwaaye.

Thidhokhweya wihina mirima dhahu dhaambe odhivelhiwa ni ekhorowa vavove niwemlhe dhemdho alhotilhe Yesu wihina, "Vekelhakani wihina muhinesiwaka." (Mateyu 26:41). "Kambeene yooyo anoona wihina ari oolhipa, awehererekewo wi thumora." (1 Akorinto 10:12). Vim'phwanelha wihina niware

dhowara dha osuphayi dhithedhene dhemdho animnyalhe Mulhuku, wihina nawore olhipana n'nengoolhe a mudiyerekezi (Aefeso 6:11-18).

EPHWANIHERO YATHANU NIPIILHI

Ephwanihero elha enupulhulha dha murima wa muthu oo-hokolwelha mutulhi, yooyo aari weeta ni Mulhuku alhawihaka dha odhulhu niwakhelha yawiima ya munepa waweelelha, nave atathilha mroromelho naye (Ahebri 6:4). Enoonihatho murima wa muthu yooyo ahirukunuwalhe murima apalhe ovelhelha murimaaye wa Mulhuku, vohipwathani eparipari ya mutchaka, oyo oneeriwa "Mutchaka waphaama", wolhalheyiwa wa olhi-yeni. Muthu yooyo anum'miha murima Mulhuku alhotilhena, anakhwelhamavirelhelha onanara kambeene khamna ekop-holho dhawi ipotokose yekha.

Yesu aalhota mwanenaye dha muthu oohokolwelha mutulhi wihina, "Viriveveko munepa wonanara wakhuma mwa muthu, omnakhwaranya mapuro yaayo ehimna maadhi washaasha nipuro nikina; nave wahiphwanyaka omnalhota, kinahokol-welhe wemko kakhumalhemewo; mdho vophiyani, onayiph-wanya yoshelhiwa ni yopotokosiwa phaama. Wedhiidho om-naya wakusa minepa dhikina thanu ni miilhi dhokhwaranya olhiwani onanara wene; nave dhimnavolhowa dhikhalkaka mwa olhiyeni; mdho merelho a muthulha emkhalha oonanara okhwaranya awaambayo." (Luka 11:24-26). "Dhereyilhe wa alhiwani dhimnooniha wihina madhu thi awoona; 'mwanapwa ohokolwelha o marapheyo aye' ni 'ekumba eyo yahapilhe yohokolwelha o matokwini.' " (2 Peturo 2:22).

Madhu yaalha emnathopoolha mwawiweya phaama dha muthu oohokolwelha mutulhi apalhe muthu oohirukunuwa murima. Mrapwa mwawiitha nohokolhowa nikhalhaka wiilhi m'murimani. Naari ekhovaaye emnamudhuwanyeyiha, mu ethilha ekina, m'mo okhalhelhe murimaaye. Munepa waweelelha, oyo ori enkhunda, orina okhuma ohiya murimaaye, kam-beene mrapwa ni munepa waweelelha khidhinidhakhalhelhe vamodha. Thidhohiworeya wihina murima wa muthu okhalhe



7

7. MURIMA WOHOKOLWELHA MUTULHI APALHE WOHIPAALHA OTHWARUWA

empa ya Mulhuku ni okhalhatho empa ya Satana. Mungelo, madhu a Mulhuku, arina okhumamo mwawiwa etakarakha, arina owehatho mutulhi, ororomelha wihina apalhe thuthwaruwa wenango mwaana ootathiya, yooyo “apamlhe avonihalhe erukulhu ni makatha ayo yacha ekumba, nave khaarivo oyo amwimnyalhe yoocha. Nave vaavo upuwelhaye m'murimani aarihina, ‘amutheko amchichi a athithi akhalhana yoocha yim-chichi, mdho miyaano kikhwe wuno ni ethalha? Kinorotimulha kiye wa athithaaka, kalhotena, thithi, kaarapwelha odhulhu ni vamiithoni vanyu; ngiri oophwanelha weriwa mwaniyu!” (Luka 15:16-20). Athithimnya, vomoonani mwaniwa oyo iwiha etakarakha, yamukhurumuwelha emwakhelha mohakalhalha.

Murima mu ephwanihero elha khonooniha wihina wothwaruwa, khompaalha oya wa Mulhuku, naari washaasha okhurumu-welhiwa vamanyalhoni a Yesu. Mupuwelho aye eriwenango yoosiwe ni mukoko wooviha nave aakhwatho. Okhalhana maaru nave khanawora wiiwa madhu a Yesu. Okhalhana miitho nave khanawora woona wihina mko anayaye wokhalha gehena. Khananyonyiwa vawerani marapwa. Satana oowa anokolhelha murimaaye nave okerathi va ethekoni we mwene. Vano muthulha amnakota kaamba ya orera waye ni oriheya waye, apalhetho mwaha wokhalha oovekelha, we nihamenorerihiwa othe “mahame oowaka, ayo enooneya Phaama othe wene, nave muwarim'mo muri makhuvave a anamakhwa ni dhonanara dhithedhene. (Mateyu 23:27).


Athithiwa a dhawootha okusa nipuro na munepa wa eparipari. Erive enama, nirive mrapwa ni munepa wonanara dhovolhowa m'murimani mwaye. Narive esesaka wihina ithaphulhe ovenyera odheko dhonanaramda, dhom'makave olhiyeni. “Arive muthu oyo ahiwelha mlhako na Mose aamiphiwa Vohimwerelhani etakarakha aphwanyeya oorapwa variyari va anamoola elhi apalhe araru. Thimwawidhe, vano, ni muthu oyo ananyemulha mwaana a Mulhuku? Oyo anavevusa nikhamen na mlhakano na Mulhuku nemno n'nanelhiha omarapwa ahu, ananyemulha munepa wamahalha. Ngupuwelhani analhakiwe mwawidhe muthu yoolha?” (Ahebri 10:28,29; 2 Peturo 2:1-14).

Apalhe ephwanihero elha thulhikana ni murimaawo, mukhwaawe, mndelha wa Mulhuku veneva, ovenyera vathi va-murimaawo. “Olhiyeni ari oowora, veneva ni elhukulhuku dhithedhene, ovulhusa yaayo enawa wa Mulhuku oweelha mwa olhiyeni” (Ahebri 7:25), navetho ari oowora ni oopaalhatho okhurumuwelha marapwa matheene, wathwaruwa mwa-woona. Olhiyeni thumwikara mudiyerekezi ni amurumwa aye atheene, ni wakumiha othe wa murimaawo, warimi opaalhaka wihina awerelhe dhemdho. Waani we amareta oyo awiilhe wa Yesu niwihina, ‘‘mwarimi mpaalhaka, thukipotokosa mi-yaano’’. Yesu aaphariwa ni etakarakha, nave aathapurusa muwono am’phara. ‘Kimnapaalha’, Ahakhulha. ‘Potokoseya!’ (Mariko 1:40,41). Mdho wawum’mihakave murima, ni odhivelhiwa ni epipihi ohiyana ni omolhelha, khomna mrrommelho, naari nikamihero, kambeene orina othoolha okhwa munipuronni mwa okumi — “yolhivelha ya mrapwa – thi okhwa.” (Aroma 6:23).

EPHWANIHERO YATHANU NIRARU

Mva n’noonavo wihina muthu awum’miha murima oyo ahiyalhe omuthwara Yesu, arina watamelha okhwa. Okhwa owiilhe elhukulhuku yeeyo ahicherelhaye naari opaalha. Mdho oonaye we dhodhiva khidhivotho, nave anaya aakhelhe yolhivelha ya nirive mrapwa nemno emraye. Ohaambatho odhuwelha wihina anaya ogehenani. Narive apalhaka ovekelha, anaphwanya wi khidhioreya wi alhote ni Mulhuku yooyo akhamlheye akhootaka mdhivelho naye elhukulhuku yimchichi. Akhwaaye erina woova wi emwatamelhe, ni madhwia oohikhhalha ni mutheko kheni yamukamihere. Eyamaaye kheni yarakamihe okumaaye, naari ovulhusa munepaaye, naari oyeviha ovoreya wemko oniiwa munepaaye. Anaphwanya wihina thidhohioreya wi aangelhelhe va Mulhuku kambeene mudiyerekezi khanamwimnya ekari yawi eere dhiidho.

Erike elho yamudhivelha ni oyiroromelha, enooneya we em’mamutheya, naari ahudhihi aye oohivulhusiwa, ansembe apalhe athekwene a mpingo Kheni Yawore omukamihera, vawi aakhoota mdhivelho na Mulhuku nave anaya alhakiwe.



8


8. OLHAKIWA WA MUTHU AMARAPWA

Ohaamba wupuwelha wihina “thidhawoopiha omora mumnatha na Mulhuku a okumi!” (Ahebri 10:31). Aakusha ovelhelha okumaaye wa Mulhuku aariye ni elhukulhuku, apalhe avoriwaaye, mdho vano anaphwanya wihina dhomvirikana. Ezikwi dha athu dhinakhwa dhihicherelhaka, voramani ekari yoowa wa Mulhuku vokhwani. Sika thidhaphaama orukunuwelha wa Mulhuku vaavo ariye vakhuviru. Munipuroni mwawiiwa madhu ookhurumusa murima ni oovulhusa a Mulhuku, namakhwa amarapwa olha oyo akhotilhe okhurumuwelha ni mdhivelho na Mulhuku elhukulhuku ya okumaaye vano arina wiwa madhu a oomwipa mulhatwaye, mvulhusa oyo amukhootilhaye, yikhina “khawe mko, we oothuperelhiwa ni Mulhuku! Khawe omumndoni wohimalha oyo wapotokoserielhe mudiyerekezi ni amurum’mwa aye!” (Mateyu 25:41). Arive muthu anaakhwe omodha, nave dhedhiidho iipiwe mulhatu ni Mulhuku.” (Ahebri 9:27).

EPHWANIHERO YATHANU NISESE

Ephwanihero elha enimelhelha mukristu oyo aari ororomelha navetho akhwaranya meesero oovoreya. Mvo aariye wesiwa, aari wimelha molhipa ophiyera omamalhihelho, ookhwaranya oweelha mwa Yesu Kristu. Ohikalha wihina aarimoona ovollowa ekristu, mdho arina okhwaranya, othamaka molhipa, “Ohiya miitho aye va Yesu, vayooyo nimroromelhahu ovenyera omaambelho ophiyera omakuthulhelho.” (Ahebri 12:1,2).

Satana ni amurum’mwa aye eri mwawaphelha murima worromelha, wesesa mohikwanelha wihina emukombihere mwaana a Mulhuku ethilha yonganara. Okota, mdhivelho na va ekhorowa, dhonanara n’dhikina, dhirina wimelhelhiwatho. Munipuroni mwa namthavi n’noonavo bulu, ophwanihera wihina mrapwa nimnawatho mu ethilha dhoziyanahiyana, ni odhithiha wekhiwiwa m’moonelho apalhe mdhina nikina. Nave mukristu a eparipari amnadhuwelha wihina thi mrapwa naari niwaaka mu mdhina na ekristu, apalhe wenango mungelo a eparipari, kambeene madhu a Mulhuku ni munepa waweeleha dhirina omuholhelha olhiyeni mu eparipari. Muthu, oyo apharelhe ekahi ya otheka mumnatha naye nikina, arina wiina am-



9

9. MURIMA WOKHWARANYA

waphelhaka mukristu ni wesesa wihina amulheke n'dheko dha va elhapo ya vathi. Khidhimna mutheko, ni vang'onove, wa mukristu awoona, oyo akhwilhe vamodha ni Kristu akhwakatho odheko dha va elhapo ya vathi. Muthu anephiilhi mu ephwanihero, arina omuhoma mukristu ni mwalho. Onyemulhiwa, olhotiwa, oromiwa ni apalhe wopopihowiwa oweelha mwa athu oohivekelha — ni apalhe oweelhatho enadhiithwa oororomelha — erina ohoma murima wa oororomelha mwawoona. Nave khaniwesera dhemdho dhimlhotiwamdhao am'pwatha analhota Mulhukuve. Arina wupuwelha madhu a Yesu. "Oothuwa murinyeene munanyemulhiwe, yuhosakani, yulhotelhakani dhonanara dhimchichi kaamba ya miyaano. Theyelhani, hakalhalhani: kambeene yawakhelhanyu thi yuulhupalhi mudhulhu: Vawi vawerani dhiidho yahahoosa anamal-hotelha yaariwo nyuwaano muhinayariwe." (Mateyu 5:11,12).

Dhopalha dha mwiilhi ni mudiyerekezi, dhirinawesesa wihina dhim'mwalhanihe mukristu ni mdhivelho na Mulhuku. Nave ni ehakalhalho yuulhupalhi ni mroromelho thulhota wihina "Ananimwalhanihe thani ni mdhivelho na Kristu? Maviho apalhe, apalhe osiwa, apalhe dhawoopiha, apalhe wiiphiwa nave?" (Aroma 8:35). "Ata, mudhithedhenemdha nirina okhwaranya oweelha mwayooyo anidhivemhe hiyaano!" (Aroma 8:37). Vowarani dhowara dha esuphayi dha Mulhuku, olhiyeni thukh-waranya mesero a mudiyerekezi mlhapo na mesero naphiya, owanana ophiyera omamalihelho, okhwaranya oweelha mwa Kristu, yooyo akhwaranyilhe mesero matheene ni waakhelha mthuovo nemno khiniwa nimalha (Aefeso 6:10-18; 1 Peturo 5:4).

ETHENDERI : Ethenderi ya mupuwelho aye eri yawooneya ni yomolhelha. Murimaaye ori wodhalha ni mroromelho owaaka munepa waweeleha. Mungelo, oyo animelhelha madhu a Mulhuku, arina omupusa dha marelhelho yaayo enavelhelhiwe wa yaayo enalhipihelhe ni okhwaranya ophiyera omamal-hihelho. "Wa yooyo anakhwaranye kinoromwimnya wihina ache dha omuteekhoni wa okumi yooyo ori m'paradaizoni a Mulhuku". "Olhiyeni anaakhwaranye khawa eriwa Yonanara ni okhwa wanepiilhi". "Wa olhiyeni ookhwaranya, kinoromwim-

nya mana oovitheya, nave kinoromwimnya mlhuku naweelha, nivamlhukunivo ndhina nisha nilembiwevo". "Nave yooyo anaakhwavanye, ni yooyo aneera mitheko dhaka ohiyera omamalhivelha, wa yooyo kinoromwimnya ekopholho dhoholhelha a malhoko a othe". "Yooyo anaakhwaranye anoromuwariha dhowara dhaweelelha; ngiwa kivenyiha mdhina naye m'bukhuni a okumi, mdho kinorowakhulhelha mdhina naye vamiithoni va Athithi aka, ni vamiithoni va angelo aye". "Olhiyeni ookhwaranya, kinamweese opoto a empa ya Mulhuku aka, mdho khawa akhumamo". "Olhiye ookhwaranya, kinormulhelha akarathi ni miyaano va ethekoni ya omwene waka, we m'mo kakarathelhe miyaanotho, kakarathi ni athithi aka va ethekoni ya omwene waye." (Chibvumbulutso 2:7,11,17,26; 3:5,12,21).

MURUPA WOHULHEY WA EKHOROWA : Olha onooniha wihina khemurimayeve, navetho ekhorowa dhaye amnadhivelhelha wa Mulhuku. Munipuroni momwara ekhorowa dhaye, arina okamiherana ohoowa, ovelhelha yanekhumi yaye (va ekhorowa anavenyihavo emodha) ni dhowelhelha dhamahalha apalhetho erive elho arinaye, odhivelhelha wa Mulhuku, ophariha mutheko erive elho va mutheko wa Mulhuku.

ESIMA NI EHOMBA : Dhemdha dhinooniha wihina amnakhalha okumi waweelelha ni wawiphara. Khamnanariha okumaaye ni owirya otheka apalhe ni ocha yoocha yonanara (Machiti-dwe 15:20). Khanamwara ekhorowa dhaye, naari onanariha mwiilhi (yooyo ori empa ya Mulhuku), vomumkhani naari omumbelha soolha, apalhe ophariha mutheko mirete dhwaphelhiha muru apalhe mirete dhonanara, navethi anacha yoocha yaphaama, yaweelelha, ni yophara murima. Murimaaye ori empa yovekelhelha. Arinatho othukumana m'milhoko dha mavekelho wiilhiwiilhi ni moriha, vohipwathani nim'mo wuselhe othe. Ari oodhivelhiwa n'nivekelho, mu empa ya Mulhuku apalhe n'nibanja naye, apalhe mpa mwaye, kambeene amnadtuhwelha wihina mukristu khani umnuwe ahilhutelhelhanaka ni Mulhuku mu nivekelho.

BUKHU OOHULHEYA : Olha anooniha wihina Baiburo ari

oohulheya wa olhiyeni, nave arina omwelenga ni omuhudhera nirive mlhapo, ophwanyamo ezelu ni ekopholho, okumi ni omolhelha, eyuuma yoheelengeya. Ari wenango muthiko wom'molhelha olhiyeni ni mwalho wophorihelhana mudiyerekezi. Thi yoocha ya nirive mlhapo ya okumaaye, maadhi oomalhohana mthona naye, mohapelhamo m'mo anadheelhihelhayemo yekha, n'ngalasi m'mo anadhoonaye yekha.

Amnadhivelhiwa okusa mwikimanyo, kambeene amnadhuwelha wihina khiwuwa wukhalha mthuvo vohikusani mwikimanyo. Vodhuwelhani wihina oovenya ni Kristu sikamdhio arina okhalha okumi musha, murimaaye ori va dheko dha odhulhu, mdho anupuwelha dha wemkove, ohikhala wupuwelha dha dheko dha vathiva (Akolose 3:1-2). Ari awithokothera okumania ni Mulhuku, nave ari wenango muteekho yooyo ori museresere mwa muhinje; oyo oniima mu elhukulhuku yaphaama (Masalimo 1:3); wenango muteekho wa mpesa, wawiima dhimchichi. Khanoova okhwa, kambeene mdhivelho na Mulhuku, nemno akhemlhaye oweelha mwa munepa waweelelha, nodhalha m'murimani mwaye.

EPHWANIHERO YANEKHUMI

Yesu aarihina, "Kiri ovenya ni okumi. Yooyo anaroromelha mwa miyaano anorokhalha mukumi, naari akhwilhe; ni yooyo ari mukumi anaroromelhatho mwa miyaano khawa akhwa." (Yohane 11:25,26). "Yooyo aniiwa madhu aka ni omuroromelha yooyo akirumalhe okhalhana okumi wohimalha. Khawa alhakiwa, navethi avenyere omakhwelha aya o'okumini." (Yohane 5:24). Okhwa khiwimna ekopholho va mukristu. Okhwamko womiryiwa vokhwaranyiwani. Okhwawe okhwaranya wawo ori wuuwi? Nave ekopholho ya okhwa sika mrapwa; nave ekopholho ya mrapwa sika mlhako: nave ariheye Mulhuku, oyo animnya okhwaranya mwa Apwiya ahu Yesu Kristul!" (1 Akorinto 15:54-27).

Muthu yooyo aneeta ni Mulhuku khanoova okhwa. Elhukulhuku yaphiya yawi akhwe, anarowa ahakalhalhaka, we m'mo atakhelhe murum'mwa Paulo, "nave kirina ohosiwana piilhim-



10. MUKWAHA WA MARELHELHO WOODYA OWAANI

dha, vopalhani kivenyilhe kakhalha ni Kristu, sika dhaphaa-mathi.” (Afilipi 1:23).

Mukristu anapaalha wihina oone ekhove ya Yesu, yooyo amukhwelhe ni olhivelha marapwa aye vamwikimanyoni. Munepa waweelelha omnamupusa olhiyeni dha madhu a Yesu, “murimaanyu ohikupanye; roromelhani Mulhuku, kioromelhelhe ni miyaanotho. Mpa mwa Athithi aka mokhalha mapuro mam-chichi ... Kinorohokolhowa wihina kukuseni, wi mwakhalheke wemko kinakhalhekemiwo.” (Yohane 14:1-4). “Dhemdho niitho khinoonilhe, ni maaru wiiwa, ni ohivolhowa m’murimani mwa muthu, thi dheko dhemdho Mulhuku aapotokosereye yaayo enamudhivelha.” (1 Akorinto 2:9). Kheyiivo elhotelho elhapo ya vathi eyo enawore opotokosa oreera wa elhapo yeeyo yapotokoseriwelhe yaayo enamuthwara Yesu vathiva.

Munipuroni mwa makhuva (a muthu ookhwa), mungelo apalhe murum’mwa a Mulhuku arina wooneya mu ephwanihero elha yomalhihelha. Arina ocherelha wihina akuse munepa wa muthu oyaana wa Mulhuku. Okumi ni munepa dhokhuma m’mwilhini, oya odhulhu wa Yesu yooyo amudhivelhe ni omukhwelha vamwikimanyoni. Wakhelhiwa waphaama wurina omucheera vamiithoni va Mulhuku wemko anereye alhocelhiwe ni Pwiya aye ni madhu alha, “Woheera phaama, mulhipamutheko aphaama ni oororomelheyaw... waawo nihakalhalhe!” (Mateyu 25:21). Khanaholhelhiwatho ni Sata, kambeene “Nave oovekoyo aakhwa, akusiwa ni angelo akhalha wemko waari Aburahamu; nave mulhipa eyuumoyo aakhwatho, avithiwa m’mahame.” (Luka 16:22). “Nave kahiiwa madhu oovenyera odhulhu, elhotaka, lemba, oothuwa ookhwa ekonaka mwa Apwiya, wambeelha veneva; sikathi, orina olhota munepa, wi yamaalhe omavihoniwa; vawi mitheko dhiwa dhinathanana vamodha.” (Chibvumbulutso 14:13).

MLHOKOHO NOMALHIHA

Mukhwaaka awelengawe, Mulhuku ukamihere wihina omwimnye murimaawo yooyo wamudhivelhe, vawi arina olhota veneva waweyaano wihina, “Hokolwelha wa miyaano ni murimaawo

mutheene.” (Deutoronomo 30:2). Mwimnye Yesu murimaawo wowaheya, wohiroromelha, ni woneena mdho anorowimnya murima wanaweeene ni mpuwelho masha. Ohinothothiwa ni murimaawo wolhekoyo apalhe othwarelha dhopaalha dhiwa, kambeeene “muwari mwene mwa mirima dha athu, mumkhu-ma mpuwelho oonanara, ayo enamuholhelha muthu weera dhonanara...” (Mariko 7:21). Hiyani marapwa anyu niweera dhaphaama, “vawi yolhivelha ya mrapwa thi — okhwa; nave yovelhelha ya mahalha ya Mulhuku thi okumi wohimalha mwa Yesu Kristu Apwiya ahu.” (Aroma 6:23).

Mdho weene ovelhelhe murimaawo wa Mulhuku, “Pharesesa dhawoona dhemdho wiwalhewe wa miyaano, mwa mroramelho ni mdhivelho dhemdho dhiri mwa Yesu.” (2 Timoteo 1:13). Kambeeene yayeelha Paulo aalembatho mu 2 Timoteo 1:12, “Vawi kimnamudhuwelha oyo kimuroromelhem, nave kothuvuwa murima vodhuwelhani wihina arina owehera yovitheyeyo ophiyera mlhapomne”. Khalha oororomelha Mulhuku, vekelha mwa ekopholho dha munepa waweelha, ivithe weekha va mdhivelho na Mulhuku, voohiyani miitho awo va Yesu, ethilha, eparipari ni okumi, Pwiya ahu oyo anahokolhowe nanweene vaava waakusa anaaye — “mwene a mammwene ni Pwiya a apwiya.” (1 Timoteo 6:15).

“Nave wa olhiyeni oyo anawuchereni wihina muhinukhul-hiwa, ni owimesani vamiithoni va marelhelho aye ohikhalha n’nipamba mu mdhivelho naye, wa Mulhuku a olhiyениve, mvulhusa ahu, mwa Yesu Kristu Apwiya ahu, wukhalhe marelhelho, othekwene, ekopholho, ni oholhelha elhukulhuku dhihinaambe, ni veneva, ni ophiyera elhukulhuku dhithed-hene. Amen” (Yuda 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.anqp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.anqp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.anqp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracteristicas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradeciamos que nos contacta-se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras linguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faça o favor de nos

informar. Pois nos gostarfamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 linguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS
P.O. Box 2191
PRETORIA
0001
R.S.A.

A Gospel Literature Mission financed by donations

Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)